



Rapport annual 2023 da la QUARTA LINGUA

Il cumenzament da l'onn da rapport è vegnida salvada **la radunanza generala da la QL** che ha già lieu il mars 2023 a Turitg. La suprastanza è vegnida pli pitschna: Michele Badilatti e Valeria Badilatti (omadus da la partida 4 onns), Bettina Vital (6 onns en uffizi) e Nathalie Killias (16 onns en uffizi!) èn sa retratgs. Nus engraziain a las commembras ed al commember da suprastanza per lur lavur instanclentaivla en favur da la QL. Da nov en suprastanza è vegnida elegida dunna Ursina Zurfluh che ha già ademplì plirs onns la funcziun d'actuara.

Suenter la part statutarica ed ils engraziaments ha già lieu ina discussiun cun la cineasta Susanna Fanzun. Ella ha discurrì da la lavur sco cineasta rumantscha, da films realisads e futurs.

Correspondentamain a sia incarica da promoziun ha la QL **acceptà** l'onn da gestiun 2023 ultra da quai **las suandantas dumondas** ed ha concedì tut en tut ils sequents imports:

CHF 1'000.--	Dario Hess, rock'n roll rumantsch, DC
CHF 1'000.--	La Dunna: tgei ei feminin & Chiara featuring Small Jazz Orchestra tgei ei masculin, DC
CHF 1'000.--	Dus (Gino Carigiet, David Fried), DC
CHF 750.--	Fundaziun Cadonau, cudesch «Il clom»
CHF 1'000.--	Bibi Vaplan - Popcorn Opera
CHF 750.--	Pascal Gamboni, DC
CHF 500.--	Dis da litteratura 2023
CHF 500.--	Arnold Spescha – tom da poesias «Sinzurs el serein dalla sera/Laute ins Klare des Abends» (assegnà pir il schaner 2024)

total: CHF 6'500.--

La **suprastanza** – Petra Camathias (presidenta), Gion Fry, Leander Etter, Otmar Caduff ed Ursina Zurfluh – è sa scuntrada l'onn da rapport per trais sesidas ordinarias (il mars, il settember ed il december 2023).

A las sesidas da la Lia Rumantscha «Cussegl da la Lia Rumantscha» è sa participà fin il mars 2023 Michele Badilatti. A la radunanza da delegadas e delegads da la LR a Vella dals 28 d'october 2023 èn stads preschents Petra Camathias, Leander Etter ed Ursina Zurfluh.